

Kannerbetreuung a Chèques-Services



Auteur: Francine Closener

Media Fichier
[Link](#)

mat de Kanner ?

Fir d'éischt muss also mol gebaut ginn, an dora si Stat a Gemengen net onbedengt ganz fex, vum Käschtpunkt an der Finanzéierung, déi ze klären bleiwt, mol ganz ofgesinn.

De Virsaz klengt awer gutt, an och wat d'Chèques-Services ugeet, soen d'Elteren bestëmmt net: „nee merci“.

Allerdéngs bleiwen nach vill Froen op:

Wat kréien zum Beispill déi Elteren, wou een net schaffen geet, fir sech selwer ëm d'Kanner ze bekëmmern ? Haten déi ganz einfach Pech, well hiere Choix, och elo an den Aen vun der CSV een Auslafmodell ass ? **An d'asbl Famill 2000 fir die Schwaarz electoral keng gréisser Roll méi spillt ?**

A wéi ass et mat deene Leit, déi sech fir eng Dagesmamm décidéieren? Virwat solle si bis op weideres ausgeklamert ginn ? Ass eng Betreuung an enger Crèche oder an enger grousser Maison Relais mat Honnerte vu Kanner dann d'office besser wéi an engem méi familiären Ëmfeld ? Ënnerstetzt de Stat lo just nach een eenzege Betreuungsmodell ?

An dann d'Maisons Relais: wuel hunn di meescht Gemengen an Teschzäit sou eng Struktur (d' Stad Lëtzebuerg allerdéngs net), mee wou gëtt et dann do ee regelrechte Konzept vu Ministère-Säit ? Mecht net vill méi all Gemeng, respectiv all Trägergesellschaft, wat se well ? Ëmmerhin 80 Prozent vun alle Maisons Relais gi vun der Caritas gefouert- eng Associatioun, déi also quasi eng Monopol-Stellung an deementspriedend vill Pouvoir huet. Et ass och keen Zoufall, datt an der Caritas hierem Sozialalmanach, deen e puer Deeg virum Etat de la Nation virgestalt gouf, scho fir Chèques Services pledéiert gouf...de Familieministère an d'Caritas leien also ganz op enger Linn.

A wann et hinnen no geet, schengen Maisons Relais matt intégréierten Crèchen d'Zukunft ze sin, d'Kanner wieren also vu klengem un vu moies bis owes an där selwechter Struktur versuergt an encadréiert. A wéi ass et da mat der Ganzdags-Schoul ? Och do ass d'Betreiung

garantéiert, an dat exclusiv vu qualifiziertem Personal, an do Schoul a Betreuung automatesch aneneen iwwer a mussen net schwéierfälleg opgebaut ginn. Dee groussen Zoulaf, dee Projeten wéi Neie Lycée, Eis Schoul oder d'Privatschoulen hunn, beweist, datt et fir dee Modell och ee Besoin gëtt. Ass eng Généraliséierung vun der Ganzdagsschoul dann ieren vum Dësch ? Et sinn nach Decisiounen an Explicatiounen fälleg, vum Familjen- a vum Educationnsministère, quitte, datt een sech virun de Wahlen net allzevill Illusioune muss man.